




PRIFYSGOL
BANGOR
UNIVERSITY

I'R EITHAF



CROESO I FANGOR

Cyflwyniad i fyw ac astudio ym Mangor
2021

**CYFLWYNIAD I
FYW AC ASTUDIO
YM MANGOR**






Cynnwys

04	Diwrnodau Agored
10	Profiad Myfyriwr
16	Y Gymraeg ym Mangor
20	Undeb y Myfyrwyr
24	Clybiau a Chymdeithasau
26	Chwaraeon a Hamdden
30	Llety
36	Gyrfaoedd a Chyflogadwyedd
42	Astudio Dramor
44	Cefnogi ein Myfyrwyr
48	Cefnogaeth Astudio
50	Adnoddau Dysgu
52	Myfyrwyr Hŷn
54	Cyllid Myfyrwyr
56	Bwrsariaethau ac Ysgoloriaethau
60	Sut i Wneud Cais
63	Cyrsiau Cyd-Anrhydedd

MEDDWL AGORED DYDDIAU AGORED

Dewch i un o'r Diwrnodau Agored ar y campws neu ar-lein i gael blas ar fywyd myfyriwr a chael gwybod mwy am y cyrsiau sydd ar gael yma – fe welwch fod yma amryw o resymau dros ddewis astudio ym Mangor.





Cynhelir Dyddiau Agored yn ystod yr haf a'r hydref.

Cewch y dyddiadau a'r wybodaeth ddiweddaraf ynglŷn â'r trefniadau ar ein gwefan:

www.bangor.ac.uk/diwrnodagored

Mae croeso i chi hefyd ein ffonio am wybodaeth bellach: **01248 382005**.



CROESO

GAN YR IS-GANGHELLOR





“Ym Mangor, rydym yn sicrhau bod ein myfyrwyr yn ganolog i bopeth a wnawn ac rydym yn gwneud pob ymdrech i ddarparu profiad cynhwysfawr i fyfyrwyr sydd yn unigryw a gwerth chweil. Yn ddiweddar rydym wedi buddsoddi miliynau o bunnau’n datblygu cyfleusterau academiaidd, cymdeithasol a chwaraeon newydd i fyfyrwyr, gan wneud Bangor yn lle mwy deniadol fyth i astudio a byw ynddo.

Cawsom Wobr Aur - y sgôr uchaf bosibl - yn y Fframwaith Rhagoriaeth Addysgu cenedlaethol (TEF 2017), sy’n golygu bod ein haddysgu o’r ansawdd uchaf. Yn ogystal, mae ein hymchwil o ansawdd gwirioneddol ryngwladol ac yn denu staff a myfyrwyr o bob cwr o’r byd.

Rydym yn ymfalchïo yn y gefnogaeth academiaidd, ariannol a phersonol gynhwysfawr sydd ar gael i’n holl fyfyrwyr ac yn gweld gradd fel llawer mwy na chymhwyster yn unig - mae’n ymarfer mewn datblygiad a hunan-wella.

Mae ein cysylltiadau â phartneriaid yn y rhanbarth a chyda’r gymuned leol hefyd yn rhoi nifer o gyfleoedd i’n myfyrwyr ennill profiad gwaith gwerthfawr ac elwa ar amrywiaeth enfawr o gyfleoedd gwirfoddoli sydd ar gael. Mae hyn i gyd yn digwydd mewn ardal o harddwch eithriadol ac yn cyfrannu at brofiad cwbl unigryw ym Mangor.”

Yr Athro Iwan Davies

Is-Ganghellor, Prifysgol Bangor



CIPOLWG CYFLYM AR FANGOR



4YDD RHANBARTH ORAU

yn y byd i ymweld â hi



Lonely Planet 2017

10^{FED}



yn y byd am
Ymrwymiad i Gynaliadwyedd

Cynghrair Gwyrdd byd-eang 2019

#1

Yn seiliedig ar adolygiadau
myfyrwyr ar wefan *Student Crowd*,
mae Prifysgol Bangor wedi ei
henwi yr orau o holl brifysgolion
Prydain (Awst 2020).



AUR

am Addysgu Rhagorol TEF, 2017



40UCHAF

ym Mhrydain am
**Ansawdd ein
Hymchwil***

* Heb gyfrif sefydliadau arbenigol a phrifysgolion
sy'n cyflwyno mewn un uned asesu'n unig

Gwobr Arian am


Glybiau a Chymdeithasau

Gwobrau WhatUni 2020



Clybiau a Chymdeithasau AM DDIM

Mae eich cyfnod fel myfyriwr yn gyfle gwych i chi gael blas ar weithgaredd newydd am y tro cyntaf ac mae aelodaeth o Glybiau a Chymdeithasau Undeb y Myfyrwyr yn rhad ac am ddim. Mae Undeb Myfyrwyr Cymraeg Bangor (UMCB) sy'n hybu a diogelu buddianau'r Cymry ym Mangor, hefyd yn cynnal nifer o gymdeithasau ac yn ganolbwynt i fywyd cymdeithasol llawer o'r Cymry Cymraeg ym Mangor.



DOES UNM

BUONA
GIORNATA

Profiad prifysgol rhyngwladol

Mae rhagoriaeth Prifysgol Bangor mewn ymchwil ac addysgu yn denu myfyrwyr a staff o bedwar ban byd i'r ddinas. Mae hyn yn cynnig cyfle i'n myfyrwyr gydweithio a chymdeithasu â phobl o bob rhan o'r byd.

¡HOLA!



Bywyd cymdeithasol ac adloniant

Mae Academi, clwb nos y myfyrwyr, yn ganolbwynt i lawer iawn o'r adloniant gyda'r nos. Yn ogystal â nosweithiau wedi eu trefnu gan yr Undeb neu gan Undeb Myfyrwyr Cymraeg Bangor, mae amryw o ddigwyddiadau hefyd yn cael eu cynnal yn Y Glôb, Bar Uno ym mhentref Ffriddoedd neu Barlow's ym mhentref y Santes Fair.

Mae canolfan y celfyddydau ac arloesi, Pontio, yn ganolbwynt cymdeithasol i fyfyrwyr a'r gymuned ac yn gartref i Undeb y Myfyrwyr. Mae'r ganolfan yn cynnwys sinema, theatr, ystafelloedd darlithio a llefydd i fwya.





Awrygylch clòs a chyfeillgar

Mae Bangor yn cael ei chydabod fel lle cyfeillgar a chyfleus i fyw ac astudio, gyda nifer o'n myfyrwyr yn dewis dod yma oherwydd maint a natur y ddinas ei hun. Cewch astudio a chymdeithasu trwy gyfrwng y Gymraeg a chymryd rhan yn y llu o weithgareddau myfyrwyr.



AN TEBYG



Sicrwydd o Lety

Mae'r Brifysgol yn sicrhau llety ar gyfer holl fyfyrwyr y flwyddyn gyntaf* mewn ystafell ar un o'r ddau bentref myfyriwr. Mae ein llety yn fodern ac yn gyfleus – a'r lle perffaith i setlo fel myfyriwr ym Mangor.

*Am fanylion ein gwarant am lety, ewch i'r wefan: www.bangor.ac.uk/sicrwyddllety

CEFNOGAETH

POB CAM O'CH TAITH



Wythnos Groeso

Bydd nifer o ddigwyddiadau wedi eu trefnu i groesawu myfyrwyr newydd yn ystod y cyfnod Croeso ym Medi. Mae'r rhain yn cynnwys digwyddiadau wedi eu trefnu gan Undeb y Myfyrwyr, UMCB, Campws Byw a'ch Ysgol academiaidd a bydd Arweinwyr Cyfoed wrth law i'ch helpu i gwrdd â myfyrwyr eraill ac ymgartrefu (gweler tudalen 44).



Cefnogi ein myfyrwyr

Mae cefnogaeth i fyfyrwyr yn flaenoriaeth uchel ym Mangor ac mae iechyd a lles ein myfyrwyr yn bwysig i ni. I'ch helpu chi i wneud y gorau o'ch amser yma, byddwch yn cael cefnogaeth gyda materion iechyd a lles yn ogystal â gyda'ch gwaith academiaidd (gweler tudalen 44).





Cefnogaeth Astudio

Pan yn fyfyrwr, bydd gennych Diwtor Personol i roi cyngor a chefnogaeth i chi. Mae'r Ganolfan Sgiliau Astudio yn cynnig cefnogaeth academiaidd ychwanegol sy'n cynnwys help gydag ysgrifennu academiaidd, astudio, mathemateg ac ystadegau. Os dewiswch chi astudio trwy gyfrwng y Gymraeg, bydd digon o gefnogaeth ar gael i chi gan gynnwys Canolfan Bedwyr sy'n arbenigo ar gynnig gwasanaethau i gefnogi'r Gymraeg ym Mangor (gweler tudalen 18-19).



Paratoi i'ch dyfodol

Rydym yn cynnig amryw o gyfleon datblygu personol a gyrfa fel gallwch ddechrau cynllunio'ch llwybr gyrfa mewn da bryd. Mae'r rhain yn cynnwys Blwyddyn Lleoliad, Blwyddyn Profiad Rhyngwladol, cynllun interniaeth y Brifysgol, a phrojectau gwirfoddoli gan Undeb y Myfyrwyr (gweler tudalen 21 a 36-41).

BYWYD MYFYRIWR BANGOR



Dwi'n hoffi'r ffaith ei fod yn teimlo fel cymuned glos yn enwedig y gymuned Gymraeg, ac nid ydych byth yn bell o wyneb cyfarwydd. Mae hefyd yn teimlo yn lle saff... Peth arall sydd yn wych am Fangor yw bod o fewn 20 munud i'r mynyddoedd neu draeth - mae hynny yn rhywbeth unigryw iawn i Fangor."

Aled Rosser, o Gaerfyrddin, yn astudio Cerddoriaeth

"Roedd safon yr adnoddau ymchwil ar y cwrs Gwyddorau Chwaraeon yn atyniad mawr i Fangor."

Seren Evans, o'r Bala, sy'n astudio Chwaraeon, Iechyd ac Ymarfer





“Ar Ddiwrnod Agored, cefais fy nghroesawu gan Lywydd UMCB, a chyfarfod staff yr adrannau Cerdd a Chymraeg. Roedd gweld pa mor glos oedd yr adrannau a pha mor hapus oedd pawb yn fy ngwneud yn sicr mai Prifysgol Bangor oedd y brifysgol i mi.

Uchafbwynt fy nghyfnod yma? Y cyfleoedd mewn cymdeithasau UMCB. Er enghraifft, sefydlwyd cymdeithas lenyddol Bangor llynedd sef Cymdeithas John Gwilym Jones ac roedd yn fraint cael bod yn rhan o gast cynhyrchiad cyntaf y gymdeithas.”

Elen Wyn, o Dalybont, sy'n astudio Cymraeg a Cherddoriaeth

“Mae hi'n hawdd setlo mewn i fywyd ym Mangor gyda chefnogaeth yr Arweinwyr Cyfoed a'r holl weithgareddau. Mae Pier Bangor yn lle grêt i fynd i redeg, ac mae'r cymdeithasau wedi bod yn ffordd dda i mi wneud ffrindiau newydd.”

Sian Furber, o Wrecsam, sy'n astudio Addysg Gynradd



Y GYMRAEG YM MANGOR

Mae'r Gymraeg yn rhan gwbl naturiol o fywyd ym Mhrifysgol Bangor ac i'w gweld a'i chlywed ym mhob agwedd ar ei gwaith a'i bywyd. Ym Mangor, ceir profiadau Cymraeg cyflawn – o ddewis eang o fodiwlau cyfrwng Cymraeg i wasanaethau trwy'r Gymraeg, i ddigwyddiadau cymdeithasol lle mae'r Gymraeg yn ganolog.

Y NIFER MWWYAF O GYRSIAU CYMRAEG

Prifysgol Bangor sy'n cynnig y nifer fwyaf o gysrsiau cyfrwng Cymraeg – ac mae hefyd yn cael ei chydabod am safon ei gwasanaethau dwyieithog a'i chefnogaeth i fyfyrwyr.

44%

o'n staff yn **siaradwyr Cymraeg rhugl** gyda 25% arall yn medru siarad rhywfaint o Gymraeg.

Canmolodd yr Asiantaeth Sicrhau Ansawdd y ffordd y mae dwyieithrwydd yn rhan annatod o holl weithgareddau'r Brifysgol ac yn cael dylanwad cadarnhaol ar brofiad myfyrwyr.



Ni ydi'r '**mwyaf Cymreig**' o'r holl brifysgolion yng Nghymru, o ran darpariaeth a diwylliant.

Mae

50%

o'r holl fyfyrwyr yng Nghymru, sy'n astudio o leiaf 80 credyd o'u cyrsiau trwy gyfrwng y Gymraeg, yn gwneud hynny ym Mangor.

Datblygu gwasanaethau ar gyfer y Gymraeg...



Mae cwmnïau technoleg bydeang yn gweithio'n rheolaidd gyda'n staff i ddatblygu cynhyrchion a gwasanaethau amlieithog newydd ar gyfer y Gymraeg ac ieithoedd lleiafrifol eraill.



Mae gennym Ganolfan bwrpasol ar gyfer Gwasanaethau Iaith, Ymchwil a Thechnoleg Cymraeg – Canolfan Bedwyr – sy'n darparu arweiniad polisi, ymchwil ac arbenigedd gweithredol i Lywodraeth Cymru, y Gwasanaeth Iechyd a chyrff cyhoeddus eraill yng Nghymru.



AP GEIRIADURON

Mae'r 'Ap Geiriaduron' dwyieithog a ddatblygwyd gan yr Uned Technolegau Iaith, wedi'i lawrlwytho dros 150,000+ o weithiau.

ASTUDIO TRWY'R GYMRAEG

Prifysgol Bangor sy'n cynnig y nifer fwyaf o gyrsgiau trwy gyfrwng y Gymraeg – ac mae mwy o'n myfyrwyr yn dewis astudio trwy'r Gymraeg hefyd nac yn unrhyw brifysgol arall.



MAE MODD GWNEUD
Y CWRG HWN DRWY
GYFRWNG Y GYMRAEG

Pan welwch y symbol hwn ar y dudalen, mae hyn yn golygu bod modd gwneud y cwrs yn gyfan gwbl drwy'r Gymraeg. Os nad yw'r symbol ar y dudalen cwrs, darllenwch yr wybodaeth o dan y pennawd Astudio trwy'r Gymraeg i weld y dewisiadau cyfrwng Cymraeg sydd ar gael i chi.



MODIWLAU DATBLYGU
SGILIAU IAITH AR GAEL

Pan welwch y symbol hwn ar dudalen cwrs, cofiwch am y gwasanaethau sydd ar gael gan Ganolfan Bedwyr i'ch helpu i astudio drwy gyfrwng y Gymraeg.

Rhesymau tros astudio drwy'r Gymraeg:

- Gosod sylfaen ardderchog i'r dyfodol o ran cael prawf pendant o ddeallusrwydd a defnydd ymarferol o'r Gymraeg.
- Mae cyflogwyr angen pobl ddwyieithog ar gyfer pob math o swyddi.
- Yn sgîl y Safonau Iaith Gymraeg, mae'r galw am sgiliau iaith Gymraeg yn mynd i gynyddu yn y blynyddoedd nesaf.
- Mae cyflogau swyddi dwyieithog ar gyfartaledd yn uwch
- Y Gymraeg ydi iaith yr aelwyd a/neu iaith yr addysg yn yr ysgol a'r chweched dosbarth, ac felly dyma'r iaith sydd fwyaf naturiol.
- Wedi arfer cael arholiadau a phrofion drwy'r Gymraeg – ac am barhau â hynny yn y brifysgol.
- Wedi dysgu ac arfer defnyddio termau gwyddonol a chelfyddydol yn Gymraeg.
- Mae'n agor drysau i gyfleoedd newydd a gwella'r hyn a gynigir ar y CV.
- Mae'n gyfle i gymdeithasu a byw mewn awyrgylch lle mae'r Gymraeg i'w chlywed bob dydd.



Modiwlau datblygu sgiliau iaith

Mae'r modiwlau Sgiliau Defnyddio'r Gymraeg a modiwl Ymdrin â'ch Pwnc yn Gymraeg yn cynnig cymorth ymarferol ac maent yn addas i siaradwyr Cymraeg rhugl (dysgwyr neu siaradwyr iaith gyntaf). Mae'r modiwlau yn addas os ydych chi'n:

- dilyn eich cyrsiau neu ran o'ch cyrsiau drwy gyfrwng y Gymraeg
- dilyn eich cyrsiau yn Saesneg ond eisiau datblygu eich sgiliau a'ch hyder i ddefnyddio'r Gymraeg yn gyffredinol a/neu'n awyddus i allu trafod eich pynciau'n hyderus trwy gyfrwng y Gymraeg.

Meddalwedd cyfrifiadurol Cysgliad

Dyma adnodd defnyddiol ar gyfer rhai sy'n awyddus i ysgrifennu'r Gymraeg. Mae'n cynnwys:

- Cysill – rhaglen sy'n gwirio sillafu a gramadeg
- Cysgeir – casgliad o eiriaduron electronig Cymraeg/Saesneg a Saesneg/Cymraeg.

Gwasanaeth Terminoleg

Mae'r tîm termau wedi cyhoeddi ystod eang o eiriaduron termau dwyieithog er mwyn galluogi myfyrwyr a staff i ymdrin â'u pwnc yn Gymraeg. Gall myfyrwyr gysylltu â swyddog terminoleg y Coleg Cymraeg Cenedlaethol, wedi'i lleoli yng Nghanolfan Bedwyr, am arweiniad ar ba dermau i'w defnyddio.

Gwasanaeth cyfieithu llawn

Mae gan fyfyrwyr hawl i gyflwyno traethodau neu wneud cyflwyniadau yn Gymraeg, hyd yn oed os nad yw'r tiwtor/darlithydd yn deall Cymraeg. Mae'r Uned Gyfieithu yn cyfieithu gwaith ysgrifenedig myfyrwyr i'r Gymraeg ac yn cyfieithu cyflwyniadau myfyrwyr i'r Gymraeg trwy'r gwasanaeth cyfieithu ar y pryd.

Y Coleg Cymraeg Cenedlaethol

Trwy gydweithio â phrifysgolion Cymru, mae'r Coleg Cymraeg Cenedlaethol yn sicrhau ac yn datblygu rhagor o gyfleoedd astudio cyfrwng Cymraeg i fyfyrwyr Cymru. Mae'n cynnig ysgoloriaethau sy'n galluogi myfyrwyr israddedig ac ôl-raddedig i ddilyn cyrsiau addysg uwch drwy gyfrwng y Gymraeg.

Ysgoloriaethau Israddedig y Coleg Cymraeg Cenedlaethol

Mae'r Coleg yn cynnig ysgoloriaethau cyfrwng Cymraeg i fyfyrwyr israddedig, sy'n gyfle i dderbyn hyd at £3,000 am astudio pynciau yn gyfan gwbl neu'n rhannol trwy gyfrwng y Gymraeg.

Mae rhestr gyflawn o'r cyrsiau cymwys sy'n gysylltiedig â'r cynllun presennol ynghyd ag amodau a thelerau'r ysgoloriaethau i'w gweld ar www.colegcymraeg.ac.uk

Gweler tudalennau 56-59 am fwy o wybodaeth am Fwrsariaethau ac Ysgoloriaethau ym Mangor.

Tystysgrif Sgiliau Iaith Gymraeg y Coleg Cymraeg Cenedlaethol

Mae nifer fawr o gyflogwyr yn cydnabod y Dystysgrif hon fel prawf o allu unigolyn i weithio a chyfathrebu'n hyderus drwy gyfrwng y Gymraeg. Bydd cyfle i chi ymgeisio am y Dystysgrif yn ystod eich cyfnod ym Mangor, pa bynnag bwnc y byddwch yn dewis ei astudio. Bydd y Tiwtor Sgiliau Iaith yn trefnu cyfres o sesiynau i'ch helpu i baratoi ar gyfer yr asesiad llafar a'r arholiad ysgrifenedig.

EICH LLAIS EICH UNDEB

Bydd llawer o'ch bywyd cymdeithasol yn y Brifysgol yn ymwneud ag Undeb y Myfyrwyr sef Undeb Bangor.

Mae Undeb Bangor yn darparu gwasanaethau, cefnogaeth, gweithgareddau ac adloniant i fyfyrwyr. Mae'r Undeb yn cynrychioli myfyrwyr ar holl faterion.

Mae Undeb Bangor yn cael ei redeg gan Swyddogion Sabothol etholedig. Mae'r Undeb yn bodoli i hyrwyddo eich lles a'ch diddordebau, ac yn fodd i fyfyrwyr gyfathrebu â'r Brifysgol.




Ffair yr Wythnos Groeso

Yn ystod yr Wythnos Groeso, bydd Undeb Bangor yn cynnal Ffair yr Wythnos Groeso sef y digwyddiad poblogaidd, Serendippedd. Cewch flas o'r holl gyfleoedd sydd ar gael i fyfyrwyr gan gynnwys cymdeithasau, timoedd chwaraeon a phrojectau gwirfoddoli. Mae'r Ffair hefyd yn gyfle i chi gwrdd â thimoedd Gwasanaethau Myfyrwyr y Brifysgol yn ogystal ag amrywiaeth o sefydliadau lleol a chenedlaethol.



Aelodaeth am ddim o Glybiau a Chymdeithasau


Mae aelodaeth o glybiau a chymdeithasau Undeb Bangor yn rhad ac am ddim i fyfyrwyr. Mae yma lu o glybiau a chymdeithasau, yn cwmpasu amrywiaeth eang o weithgareddau, felly mae'n hawdd gweld pam bod Undeb Bangor yn chwarae rhan ganolog ym mywydau llawer o fyfyrwyr Bangor (gweler trosodd).



Gwaith yn y Gymuned

Mae yna ddewis o dros 50 project sy'n rhoi cyfle i chi wirfoddoli. Mae'r rhain yn amrywio o weithio gyda plant a'r henoed, i broiectau chwaraeon ac iechyd meddwl.

Bydd y sgiliau a'r profiad rydych yn eu hennill drwy wirfoddoli yn apelio at gyflogwyr, a gallwch hefyd ennill pwyntiau am wirfoddoli gyda Gwirfoddoli Undeb Bangor tuag at Wobr Cyflogadwyedd Bangor.



UNDEB MYFYRWYR CYMRAEG BANGOR

The logo for Undeb Myfyrwyr Cymraeg Bangor (UMCB) features the letters 'UMCB' in a bold, black, sans-serif font. A red stylized flame or swoosh is integrated into the letter 'C'. The logo is framed by two thin red horizontal lines above and below the text.

Beth yw Undeb Myfyrwyr Cymraeg Bangor?

Undeb Myfyrwyr Cymraeg Bangor (UMCB) yw'r adain o Undeb Myfyrwyr Bangor sy'n gyfrifol am y Gymraeg a diwylliant Cymreig. Maent yn gyfrifol am gynrychioli materion academaidd y myfyrwyr sy'n siaradwyr ac yn ddysgwyr Cymraeg yn ogystal â darparu cyfleoedd cymdeithadol iddynt. Ceir lluo o gymdeithasau a tîmiau chwaraeon sy'n cyfarfod ac yn cynnal digwyddiadau yn Gymraeg.



Bwrlwm Bangor

Cymric yw'r adain gymdeithasol o UMCB sy'n gyfifol am y tîmau chwaraeon a nosweithiau cymdeithasol amrywiol – mae digonedd o luniau i'w gweld ar y cyfryngau cymdeithasol!

Mae'r rhan fwyaf o fyfyrwyr Cymraeg sy'n aros yn Neuaddau Prifysgol Bangor yn dewis byw yn Neuadd JMJ sy'n neuadd gartrefol a chymunedol iawn. Mae Ystafell Gyffredin braf yn rhan o'r adeilad sy'n lle delfrydol i bawb ddod at ei gilydd.

CROESO

Aelwyd JMJ

Mae Aelwyd JMJ yn gangen o'r Urdd sy'n cyfarfod yn wythnosol yn Neuadd John Morris Jones. Prif weithgaredd yr Aelwyd ydi uno'r myfyrwyr Cymraeg i ffurfio Côr Aelwyd JMJ. Yn ogystal â'r côr SATB, mae gan yr Aelwyd Gôr Bechgyn a Chôr Merched. Mae'r Aelwyd yn griw brwdfrydig sy'n mwynhau cymdeithasu. Cafodd y Côr lwyddiant aruthrol yn y gorffennol ac maent yn hyderus bod llwyddiannau pellach i ddod!



Cymdeithasau UMCB

Mae nifer o gymdeithasau eraill yn dod o dan ymbarél UMCB. Mae **Cymdeithas Dysgwyr Cymraeg UMCB** yn rhoi'r cyfle i ddysgwyr gymdeithasu trwy gyfrwng y Gymraeg a chael pob cefnogaeth a chroeso. Bwriad **Cymdeithas John Gwilym Jones** yw dod â llenyddiaeth Gymraeg yn fyw yn Ninas Dysg trwy gynnal gweithgareddau cyffrous o fyd barddoniaeth, rhyddiaith, a'r ddrama Gymraeg. Ceir papur newydd Cymraeg **Y Llef** ei ysgrifennu a'i baratoi gan fyfyrwyr Cymraeg Bangor ynghyd â'r **Hadau**, cylchgrawn i ddysgwyr.

PROFIADAU DIDERFYN

GYDA CHLYBIAU A CHYMDEITHASAU AM DDIM



Rydym wedi derbyn Gwobr Arian a'n henwi yn ail ym Mhrydain am Glybiau a Chymdeithasau.*

*Gwobrau What Uni 2020



Yn ogystal â'r cyfleodd sy'n cael eu cynnig gan UMCB, mae eich cyfnod fel myfyriwr yn gyfle gwyh i chi gael blas ar weithgaredd newydd am y tro cyntaf. Mae'r llu o glybiau a chymdeithasau yn cwmpasu amrywiaeth eang o hobiau a diddordebau eraill a cheir rhai sy'n ategu eich pwnc academiaidd.

“Mae 'na hwyl yn aros amdanoch chi...lot o gymdeithasu, timau chwaraeon cyfeillgar a hwyliog...”

Sioned Martha Davies, o Bencader, sy'n astudio Cymraeg

ACAPELLA

AIL-GREU

CANOLOESOL

ANIMEIDDIO

BAND JAZZ **BAND**

PRES BIOLEG

CADWRAETH

CARIBIAIDD

CRICED CELF

CERDD CERDDED

CI **COMEDI**

CYMDEITHAS

Y WERIN

DISNEY DRAMA

FFEMINIST

FFILM **GWNŌ**

GWYDDDBWYLL



HERPETOLEG

IOGA **LHDTC+**

LLENYDDIAETH

OPERA STORM

FM **SEICOLEG**


SŴOLEGOL



SYRCAS UNDEB

GRISTNOGOL Y

GYFRAITH



Am restr lawn ewch i'r
wefan: cy.undebbangor.com/
eichcymdeithasau/
cymdeithasau/

CHWARAEON A HAMDDEN

A young woman with long brown hair tied in a ponytail is climbing a rock wall. She is wearing a blue and white tank top and a purple wristband. She is looking up at the wall with a focused expression. The wall is covered in various colored climbing holds (red, green, yellow, blue, orange). A blue rope is attached to her harness and runs vertically down the wall.

Cyfleusterau Chwaraeon

Mae prif Ganolfan Chwaraeon y Brifysgol Canolfan Brailsford, yn nghanol pentref myfyrwyr Ffriddoedd.

Mae'r cyfleusterau dan do yn cynnwys:

- campfa ddeulawr llawn offer diweddaraf
- ardal codi pwysau Olympaidd, 9 platfform
- dwy neuadd chwaraeon
- stiwdio aerobeg
- stiwdio beicio
- wal ddringo gyda sawl lefel anhawster ac adran creigiau mawr
- pedwar cwrt sboncen
- Y Dôm – sef canolfan pêl-rwyd a thenis
- arfdy ar gyfer cleddyfaeth a gweithgareddau saethyddiaeth ar safle'r Normal
- ystafell ffitrwydd ym mhentref Y Santes Fair

Mae'r cyfleusterau yn yr awyr agored yn cynnwys:

- caeau synthetig efo llifoleuadau ar gyfer pêl- droed, rygbi a hoci
- caeau glaswellt naturiol ar gyfer pêl-droed Americanaidd, quidditch ac ultimate frisbee
- caeau a thrac athletau awyr agored Treborth
- ardal gemau a chyfleusterau ar gyfer pêl droed, pêl-fasged a gemau yn yr awyr agored ym mhentref Y Santes Fair

Rydym yn gweithio mewn partneriaeth â Snowdonia Watersports, canolfan gweithgareddau awyr agored ger Llyn Padarn sy'n darparu lleoliad ar gyfer rhaglen rwyfo'r Brifysgol a chlybiau gweithgareddau dŵr a mynyddoedd eraill.

Mae atyniadau poblogaidd lleol eraill yn cynnwys pwll nofio 25 metr gyda cyfleusterau deifio uchel, Canolfan Fynydda Genedlaethol (Plas-y-Brenin), a Phlas Menai, Canolfan Awyr Agored Genedlaethol Chwaraeon Cymru.

Rydym yn cynnig nifer o Ysgoloriaethau Chwaraeon gwerth hyd at £3,000 y flwyddyn i fyfyrwyr â dawn arbennig mewn chwaraeon (gweler tudalen 59).

“Mae Bangor a'r ardal yn brydferth ac yn cynnig cydbwysedd da rhwng bywyd dinesig a bywyd gwledig.”

Jonathan Môn Hughes, o'r Fali, Ynys Môn, sy'n astudio Addysg Gynradd



AMSER AM ANTUR



Undeb Athletau Bangor

Mae'r Undeb Athletau yn rhan o Undeb y Myfyrwyr sy'n gyfrifol am Glybiau Chwaraeon.

Mae yma dros 60 o dimoedd a chlybiau – ac mae aelodaeth am ddim. Mae pob clwb yn groesawus ac yn gyfeillgar, gyda llawer o ddigwyddiadau cymdeithasol yn cael eu cynnal ynghyd â'r gweithgareddau chwaraeon.





“Mae’r bywyd cymdeithasol yma yn grêt! Dwi’n rhan o dîm pêl-rwyd Bangor sydd wedi rhoi’r cyfle i mi gyfarfod â phobl na fyswn i wedi cwrdd â hwy fel arall.”

Sioned Rowlands, o Gaerdydd, sy’n astudio Seicoleg



Clybiau Chwaraeon

Athletau	Nofio Tanddwyr
Badminton	Pêl-Droed
Bocsio	Pêl-Droed
Canwio	Americanaidd
Cerdded Mynyddoedd	Pêl-Droed
Cheerleaders	Gwyddelig
Chwaraeon Eira	Pêl Fasged
Clwb Beicio	Pêl-Foli
Codi Pwysau a Pŵer	Peli-Paent
Criced	Pêl-Rwyd
Dawnsio	Polo Canŵ
Futsal	Polyn Heini
Ffensio	Quidditch
Ffrisbi	Rhwyfo
Golff	Rygbi’r Gynghrir
Gymnasteg	Rygbi’r Undeb
Hoci	Saethyddiaeth
Hwylfyrddio	Sboncen
Hwyllo	Snwcer A Phŵl
Jiwdio	Syrffio
Jiu-Jitsu	Tenis
Karate	Tonfyrddio
Ki-Aikido	Trampolinio
Kungfu a Taekwondo	Triathlon
Lacrosse	
Marchogaeth	
Mynydda	
Nofio	

Am restr lawn ewch i’r wefan:
cy.undebbangor.com/eichchwaraeon/chwaraeon

Os oes gennych ddiddordeb mewn chwaraeon awyr agored, mae lleoliad unigryw Bangor hefyd yn golygu y gall y clybiau fanteisio ar fynyddoedd, llynnoedd, afonydd ac arfordir yr ardal.

CROESO

I'R CAMPWS

"Mae'n fywyd prysur ond rwyf wrth fy modd. Rwy'n rhannu fflat efo wyth o genod eraill – felly mae 'na ddigon o siarad a chwerthin yn mynd ymlaen!"

Siwan Gwilym Williams, o Foelfre ger Abergele, sy'n astudio Astudiaethau Plentyndod a Seicoleg

Pentref Ffriddoedd





Mae ein llety myfyrwyr yn fodern ac mewn lleoliad hwylus - mae'r ddau bentref myfyrwyr o fewn pellter cerdded i adeiladau'r Brifysgol. Rydym yn sicrhau llety ar gyfer holl fyfyrwyr y flwyddyn gyntaf*.

Pam byw mewn neuadd?

Rydym yn annog myfyrwyr i wneud cais am ystafell mewn Llety Prifysgol gan fod hynny yn rhoi'r cyflwyniad gorau i fywyd myfyriwr.

*Am fanylion ein gwarant am lety, ewch i'r wefan: www.bangor.ac.uk/sicrwyddllety

Pa fath o lety sydd ar gael?

Mae'r llety i gyd yn rhai hunanarlwyo, a byddwch yn rhannu'r gegin gyda'ch cyd-fyfyrwyr sy'n eu gwneud yn lle grêt i gymdeithasu. Mae cyfleusterau sylfaenol yn y ceginau cyffredin fel cwceri, oergelloedd a rhewgelloedd, tegelli, microdonnau, tostwyr a bwrdd smwddio ond ni ddarperir cyllyll a ffyrc, platiau, sosbenni na haearn smwddio.

Llety en-suite:

ystafell en-suite i un person gyda chawod a thoiled preifat mewn llety mwy diweddar.

Llety safonol (rhannu cyfleusterau):

ystafell i un person a rhannu ystafelloedd ymolchi a thoiledau.

Tai Tref:

ystafell i un person, rhannu ystafell ymolchi a rhwng 2 berson, cegin a rennir.

Stiwidio:

ystafell wely, cawod a thoiled preifat a chegin fechan, breifat.



Pentref y Santes Fair

NEUADD JMJ

Neuadd John Morris Jones yw dewis gartref y mwyafrif o fyfyrwyr Cymraeg a rhai sy'n dysgu'r iaith. Mae'n ganolbwynt bywyd cymdeithasol Cymraeg, sy'n cynnig cymuned glòs a chyfeillgar i fyfyrwyr o bob cwr o Gymru. Mae Neuadd John Morris Jones (neu JMJ i'r rhai sy'n byw yno) wedi ei lleoli mewn adeiladau modern ym mhentref Ffriddoedd.

Ceir bywyd cymdeithasol bywiog yn Neuadd JMJ gyda'r gweithgareddau, sy'n cael eu trefnu gan y myfyrwyr ac UMCB (Undeb Myfyrwyr Cymraeg Bangor), yn cynnwys parti Nadolig, triapiau rygbi, gweithgareddau rhyng-golegol a thaith flynyddol i'r lwerddon.

“Mi wnes i setlo yn JMJ yn syth gan fy mod yn gallu cymdeithasu drwy gyfrwng y Gymraeg bob awr o'r dydd. Dwi wedi creu profiadau anhygoel trwy wahanol ddigwyddiadau cymdeithasol ac yn mwynhau fy amser yma ym Mangor yn fawr iawn, yn bennaf oherwydd y profiadau rwyf wedi eu cael trwy fyw yn JMJ”

Mabon Dafydd

Llywydd Neuadd JMJ sy'n astudio
Cymraeg





BBQ ym Mhentre Ffriddoedd

PENTREF FFRIDDOEDD

Mae'r pentref neuaddau mwyaf ym Mangor Uchaf ac mae tua 10 munud o waith cerdded o Ffordd y Coleg, Safle'r Gwyddorau a chanol y dref. Ar y safle hwn mae golchfeydd a lolfeydd myfyrwyr. Hefyd ar y safle mae Bar Uno, caffi-bar myfyrwyr, sy'n darparu prydau bwyd a diodydd o frechwast drwy'r dydd tan swper, siop gyfleus i fyfyrwyr a Chanolfan Brailsford y ganolfan chwaraeon a hamdden. Ystafelloedd en-suite gan fwyaf sydd ar y safle yma.

PENTREF Y SANTES FAIR

Mae'r pentref yma yn edrych dros dinas Bangor ac yn agos at y stryd fawr sy'n cynnig amrywiaeth o siopau. Mae hwn yn bentref gyda 600 ystafelloedd, ac mae'r dewis o lety yn cynnwys ystafelloedd en-suite, fflatiau stiwdio a thai tref. Mae yno hefyd gaffi-bar, siop, golchfeydd, ystafell ffitrwydd, lolfeydd myfyrwyr, ystafell sinema fechan, gofod perfformio a cherddoriaeth a gofod gemau awyr agored.

Cyfleusterau sydd ar gael

Mae ein pentrefi myfyrwyr o fewn cyrraedd hwylus i siopau, tafarnau a chaffis o bob math lle bynnag y byddwch yn aros. Rydym yn darparu amrywiaeth o fannau bwyta sy'n agored i bawb. Mae'r rhain wedi eu lleoli ym mhentref Ffriddoedd (Bar Uno a Siop Ffriddoedd), ym Mhrif Adeilad y Celfyddydau (Café Teras a Lolfa Teras), ym mhentref y Santes Fair (Bar Barlow's, caffi prydau parod a siop) ac yng nghanolfan Pontio (caffi, bar a chiosg). Mae ein holl fannau arlwyo'n defnyddio nwyddau lleol a Masnach Deg lle bo'n bosib.

Mae ein dau bentref myfyrwyr â chyfleusterau chwaraeon a hamdden heb eu hail. Cafodd Canolfan Brailsford ei hail-ddatblygu'n ddiweddar, ar gost o sawl miliwn o bunnoedd, a cheir yno 3 campfa, 2 neuadd chwaraeon, 2 stiwdio, wal ddringo a chyfleuster tennis a phêl-rwyd dan do. Ym mhentref y Santes Fair, mae yna ystafell ffitrwydd a maes chwaraeon aml-ddefnydd helaeth yn yr awyr agored. Mae aelodaeth o'r gampfa wedi'i chynnwys gyda holl lety Prifysgol Bangor.

Mynediad Rhyngrwyd

Mae gan bob ystafell wely sengl gyswllt rhyngrwyd ond rhaid dod â'ch cyfrifiadur neu liniadur eich hun.



Campws Byw

Ymysg y digwyddiadau mae caiacio, cerdded mynyddoedd, nosweithiau ffilm, digwyddiadau cerddorol, partion pítsa a gweithdai. Cyfle perffaith i gymryd saib o'ch gwaith academiaidd a chael cyfarfod ffrindiau newydd.

www.bangor.ac.uk/campus-life
www.campuslifebangor.co.uk

Llety i rai gydag anabledd neu gyflwr iechyd hir-dymor

Pan fyddwch yn gwneud cais dylech nodi unrhyw anabledd neu gyflwr iechyd hir-dymor a allai effeithio ar y math o lety y mae arnoch ei angen. Bydd ein Cyngorwr Anabledd yn asesu eich achos a chynghori'r Swyddfa Neuaddau ynglŷn â'r llety y dylech ei gael. Mae nifer o ystafelloedd mewn rhai neuaddau wedi cael eu haddasu ar gyfer myfyrwyr anabl.

Mentoriaid a Diogelwch

Mae gan y Neuaddau sawl Uwch Warden a nifer o fentoriaid sy'n fyfyrwyr. Y mentoriaid sy'n gyfrifol am fywyd cymunedol, lles myfyrwyr a disgyblaeth. Maen nhw'n helpu gyda'r holl ofal bugeiliol ac yn helpu i feithrin ysbryd cymunedol cyfeillgar yn y Neuaddau. Hefyd, er bod Bangor yn lle diogel, mae Staff Diogelwch ar gael 24 awr y dydd.

Faint fydd hyn yn gostio?

Mae costau byw ym Mangor yn is nag mewn llawer rhan arall o wledydd Prydain ac adlewyrchir hynny yn ffioedd y neuaddau. Cofiwch hefyd eu bod yn cynnwys yr holl filiau am fynediad i'r rhyngwrwyd, gwres, trydan, dŵr poeth, aelodaeth Campws Byw a chwaraeon a hefyd yswariant cynnwys sylfaenol.

Mae ffioedd neuadd yn cael eu cyfrifo am y sesiwn academiaidd lawn. Fel llinyn mesur bras, dyma ffioedd 2020:

- Rhannu cyfleusterau o £100 yr wythnos
- Cyfleusterau en-suite o £120 yr wythnos
- Stiwdios o £166 yr wythnos

“Mae byw mewn neuadd breswyl yn brofiad hollol wahanol i fyw adref ond, ma hi dal i deimlo mor gartrefol yma.”

Sut allai gael mwy o wybodaeth?

Ewch i'r wefan y Brifysgol a'r tudalennau Llety:
www.bangor.ac.uk/bywydmyfyriwr
www.bangor.ac.uk/llety



CAM YMLAEN AT YRFA

Fel myfyriwr yma, byddwch yn cael eich annog i fanteisio ar yr amryw o raglenni datblygu gyrfa a gaiff eu cynnig, fel y gallwch ddechrau cynllunio'ch llwybr gyrfa mewn da bryd.



Profiad Gwaith a Sgiliau Menter

Mae'r Gwasanaeth Sgiliau a Chyflogadwyedd yn cynnig ystod eang o adnoddau i'ch helpu i wireddu'ch uchelgeisiau ar ôl graddio. O'r munud y cyrhaeddwch Fangor, byddwn yno i'ch cynghori a rhoi gwybodaeth ymarferol i chi am brofiad gwaith, swyddi yn ystod y gwyliau, gwaith amser tymor ac, wrth gwrs, eich helpu i nodi'r hyn a wnewch ar ôl graddio. Byddwn yn parhau i'ch cefnogi am dair blynedd ar ôl graddio.

I wella eich cyflogadwyedd rydym yn cynnig rhaglen sy'n cynnwys arweiniad unigol, gweithdai a chyflwyniadau gan gyflogwyr. Rydym hefyd yn cynnig gwasanaethau ychwanegol sy'n darparu gwaith rhan-amser, profiadau gwirfoddol, gwaith dros yr haf a lleoliadau sy'n seiliedig ar broiectau.

Mae adrannau academiaidd a'r Colegau hefyd yn cynnal digwyddiadau i gefnogi cyflogadwyedd myfyrwyr. Mae'r digwyddiadau a chynadleddau hyn yn gyfle i chi gyfarfod cyflogwyr a chyn-fyfyrwyr sy'n gweithio mewn meysydd sy'n berthnasol i'ch pwnc. Mae hefyd yn rhoi'r cyfle i chi ddysgu sut y gall y sgiliau trosglwyddadwy sy'n cael eu hennill wrth ddilyn cwrs gradd yn y maes fod yn berthnasol i amrywiaeth o yrfaedd.

TARGET connect

TARGET connect yw gwasanaeth cyflogaeth arlein y Brifysgol lle gallwch reoli eich llwybr gyrfa a'ch cyfleoedd chwilio am waith, gwneud apwyntiadau un-i-un a mynychu gweithdai. Rydym yma i'ch helpu i gael hyd i waith yn ystod y tymor, gwaith gwyliau ac, yn bwysicaf oll, cyfleoedd i raddedigion, yn genedlaethol ac yn lleol. Rydym hefyd yn hysbysebu cyfleoedd ar gyfer profiad gwaith, interniaethau a gwaith gwirfoddol.

Mae'r rhaglenni a'r gefnogaeth sgiliau cyflogadwydd a gynigir yn cynnwys:

Cynlluniau menter a chyflogadwydd

Paratowch at eich dyfodol drwy wneud defnydd llawn o'r ystod eang o'r cynlluniau cyflogadwydd a menter sydd ar gael megis gweithdai, sgysrsiau gan gyflogwyr ac arweiniad unigol (gweler tudalen 36).

Blwyddyn Lleoliad

Gallwch ddewis cymryd Blwyddyn Lleoliad rhwng blynnyddoedd 2 a 3 o'ch cwrs gradd i ennill profiad gwerthfawr mewn maes sy'n berthnasol i'ch cwrs. Bydd 'gyda blwyddyn lleoliad' yn cael ei roi ar deitl eich gradd (gweler tudalen 38).



Rhaglen Profiad Rhyngwladol

Rhowch hwb pellach i'ch rhagolygon gyrfa drwy gymryd rhan yn y Rhaglen Profiad Rhyngwladol, lle mae cyfle i astudio dramor am flwyddyn ychwanegol (gweler tudalen 42).

Gwobr Cyflogadwydd Bangor

Cadwch gofnod o'ch gweithgareddau allgyrsiol a dilynwch raglen datblygu personol ar-lein i dderbyn tystysgrif gwobr cyflogadwydd pan yn graddio (gweler tudalen 39).



Gwirfoddoli

Mae Undeb y Myfyrwyr yn cynnal projectau gwirfoddoli o rai amgylcheddol a chwaraeon i brojectau cymdeithasol. (gweler tudalen 21).

Lleoliadau a Phrofiad Gwaith

I roi hwb i'ch cyflogadwyedd gallwch ddewis gwneud lleoliad fel rhan o bron pob cwrs israddedig ym Mangor. Gall y lleoliad fod yn flwyddyn o hyd (sy'n flwyddyn allan rhwng blynyddoedd 2 a 3 o'r cwrs gradd), 3 mis o hyd neu yn bythefnos o hyd (isafswm o 70 awr, yn ystod blwyddyn 2).

Bydd disgwyl i chi ddod o hyd i a threfnu lleoliad addas sy'n ategu eich gradd, a byddwch yn cael eich cefnogi yn ystod y cyfnod yma gan aelod penodol o staff yn eich Ysgol academiaidd a Gwasanaethau Sgiliau a Chyflogadwyedd y Brifysgol.

Bydd myfyrwyr sy'n gwneud y lleoliad o bythefnos o hyd yn cael y cyfle i'w gynnwys yn eu Hadroddiad Cyflawniad Addysg Uwch (HEAR) ac fe fydd y rhai sy'n gwneud y Flwyddyn Lleoliad Gwaith yn cael 'gyda lleoliad gwaith' ar deitl eu gradd.

Mae gan Brifysgol Bangor hefyd gysylltiadau agos â chwmnïau mawr, y sector gyhoeddus a Pharc Gwyddoniaeth Menai, M-SParc. Mae myfyrwyr wedi bod ar brofiad gwaith efo cwmnïau fel Santander Bank, Siemens Healthineers, Coutts, Venue Cymru, Undeb Rygbi Cymru, BBC Cymru, Zip World a Gen2.



BLWYDDYN
LLEOLIAD AR GAEL

Os gwelwch y logo yma ar dudalen cwrs, mae'n dynodi bod cyfleoedd lleoliad gwaith ar gael.



Cyflogwyr ar y Campws

Pob blwyddyn mae Bangor yn croesawu cannoedd o gyflogwyr i gymryd rhan mewn ffeiri gyrfaedd, sesiynau sgiliau a gwybodaeth a modiwlau a arweinir gan gyflogwyr er mwyn ysbrydoli ein myfyrwyr.

Cynllun Interniaeth

Dyma gyfle i chi gael profiad gwaith (efo cyflog) o lefel graddedig, yn adrannau ac Ysgolion academiaidd y Brifysgol. Bydd y math o waith yn amrywio o farchnata, dylunio gwe, neu broiect ymrwymiad myfyrwyr, i gefnogi project ymchwil, gwaith maes, neu reoli data.

Cynllun Arweinwyr Cyfoed

Mae bod yn Arweinydd Cyfoed yn cynnig cyfle delfrydol i chi gymryd rhan lawn ym mywyd myfyriwr yn ogystal â'r cyfle i chi ddatblygu eich sgiliau rhyngpersonol a'ch sgiliau trefnu. Mae cyflogwyr graddedigion yn cydnabod ac yn gwerthfawrogi'r sgiliau byddwch yn eu hennill drwy fod yn Arweinydd Cyfoed.

Byddwch Fentrus

Mae Byddwch Fentrus yn gweithio gyda partneriaid mewnol ac allanol i gynnig cyfleodd i fyfyrwyr i ddatblygu eu sgiliau menter. Cewch eich cefnogi drwy sesiynau mentora busnes un-i-un, gweithdai, a chyfleoedd cyllid i helpu ddatblygu eich syniadau. Mae cyfleusterau prototeipio hefyd ar gael i fyfyrwyr a graddedigion trwy Arloesi Pontio ac M-Sparc.

Ieithoedd i Bawb

Mae dysgu iaith yn hwyl ac yn her, a bydd yn eich annog i ehangu eich gorwelion, gan agor drysau i ddiwylliannau eraill ac yn gwella eich cyflogadwyedd. Mae'r ieithoedd sydd ar gael fel arfer yn cynnwys: Ffrangeg, Almaeneg, Sbaeneg, Eidaleg a Tsieinëeg (Mandarin). Noder: efallai bydd ffi ychwanegol am y dosbarthiadau yma.

Gwobr Cyflogadwyedd Bangor

Mae cynllun Gwobr Cyflogadwyedd Bangor (GCB) yn cydnabod eich bod yn cymryd rhan mewn gweithgareddau a digwyddiadau sy'n datblygu'ch sgiliau a'ch galluoedd tra ydych ym Mhrifysgol Bangor (e.e. gwirfoddoli, clybiau a chymdeithasau, profiad gwaith, gwaith rhan-amser, dysgu iaith newydd ac ati). Mae'r cynllun hefyd yn rhoi'r cyfle i chi gwblhau rhaglen datblygiad personol fer. Bydd eich Adroddaid Cyflawniad Addysg Uwch (HEAR) yn rhestru rhai o'r cyflawniadau, rolau a hyfforddiant ffurfiol.

Am fwy o wybodaeth cysylltwch â:

E: cyflogadwyedd@bangor.ac.uk

F: 01248 382071

"Mae Gwobr Cyflogadwyedd Bangor yn gymhellant go-iawn i fynd ati i wirfoddoli, a thrwy hynny, gymdeithasu!"

PROFIADAU MYFYRWYR A GRADDEDIGION



“Yn ystod y tair blynedd bûm yn astudio, cefais y cyfle i weithio gyda'r Brifysgol ar interniaeth yn datblygu Ffair Swyddi Cymraeg i fyfyrwyr ac ar brojectau ar y cyd ag Ysgolion academiaidd.

Bûm yn ffodus i dderbyn swydd gyda'r BBC fel gohebydd ar ôl graddio. Mae gweithio ar raglenni a llwyfannau fel *Newyddion 9*, *Post Cyntaf* a *Cymru Fyw* wedi rhoi'r cyfle i mi ddatblygu fy ngyrfa ac rwyf bellach yn aml yn 'torri straeon' ac yn darlledu'n fyw i'r genedl. Rwyf wedi teithio ledled y wlad yn gweithio ac wedi cael nifer o gyfleoedd. Credaf fod y rhain oll wedi deillio o'r sylfeini cadarn a gafodd eu creu ym Mhrifysgol Bangor.

Heb fy ngradd dw i ddim yn credu y buaswn yn fy swydd bresennol. Fe wnaeth y cwrs Hanes roi sgiliau ymchwil trylwyr i mi a fy nysgu sut i ddadansoddi dogfennau cymhleth. Rhoddodd y cwrs Cymraeg y sgiliau ieithyddol ac ysgrifenedig yr oeddwn eu hangen. Un o'r prif sgiliau a ddatblygais oedd y gallu i siarad yn gyhoeddus. Yn y seminarau a darlithoedd dysgais bwysigrwydd y gallu i gyfleu safbwyntiau a chyflwyno dadleuon a gyda chymorth darlithwyr cyfeillgar fe lwyddais i feddiannu'r sgiliau hyn a'u datblygu'n bellach yn fy swydd bresennol.”

Liam Evans, cyn-fyfyriwr Hanes a Chymraeg





“Mae Gwobr Cyflogadwyedd Bangor yn ffordd wych o gofnodi gweithgareddau rydych yn eu gwneud tra yn y Brifysgol. Gall fod o fudd i chi gan bydd cyflogwyr yn gweld eich bod wedi gwneud gwaith arall tra’n astudio.”

Wil Chidley, sy’n astudio Daeryddiaeth Ffisegol ac Eigoneg

“Ym Mhrifysgol Bangor, rwyf wedi cael cyfleoedd i actio ar lwyfannau Pontio, yn ogystal â gweithio o flaen a thu ôl i gamerâu gyda gwahanol gynhyrchiadau. Trwy rwydweithio â phobl y deuthum i’w hadnabod drwy’r Brifysgol, rwyf wedi cael fy nghyflogi i weithio gyda BBC Scotland, Hansh, S4C, a chyfres boblogaidd ar Amazon, yn ogystal ag is-gyfarwyddo sioe gerdd Theatr yr Urdd.”

Lowri Côt Jones

Cyn-fyfyriwr Cyfryngau gyda Theatr a Pherfformio



“Mae gweithio tuag at Wobr Cyflogadwyedd Bangor wedi fy ysgogi i feddwl pa sgiliau penodol rwyf wedi eu cyflawni trwy weithgareddau allgyrsiol.”

Cyn-fyfyriwr, a gymerodd ran yng Ngwobr Cyflogadwyedd Bangor

BYD

O GYFLEOEDD

Yn ystod eich amser yma cewch gyfle i astudio dramor fel rhan o'ch rhaglen radd.

Mae'n gyfle gwych i astudio gydag arbenigwyr, gweld ffordd wahanol o fyw, ehangu eich gorwelion ac, wrth gwrs, gyda phrofiad rhyngwladol o'r fath, rydych yn gwneud byd o les i'ch gyrfa.

Yn dibynnu ar eich cwrs, mae'n bosib y byddwch yn gallu treulio rhwng 3 a 12 mis yn astudio dramor yn ystod eich ail flwyddyn a bydd eich gwaith yn cyfrannu at eich gradd.

Mae gennych hefyd y cyfle i gymryd blwyddyn allan ar ein rhaglen **Profiad Rhyngwladol** lle byddwch yn astudio dramor am un flwyddyn ychwanegol. Mae yna ddewis mwy eang o leoliadau a bydd 'gyda phrofiad rhyngwladol' yn cael ei ychwanegu at deitl eich gradd.

Os ydych yn bwriadu astudio mewn gwlad lle nad yw'r Saesneg yn cael ei siarad fel iaith frodorol, efallai y bydd cefnogaeth iaith ychwanegol ar gael i chi.

Noder: Caiff y ffi ei leihau am unrhyw semester o'r cwrs sy'n cael ei dreulio dramor. Ewch i'r wefan am y wybodaeth ddiweddaraf.



Enghreifftiau o bynciau a'u lleoliadau

Coedwigaeth: Canada a Norwy

Bioleg: UDA a'r Iseldiroedd

Gwyddorau Eigion: Norwy ac UDA

Bancio a Chyllid: Ffrainc a Sbaen

Cymdeithaseg: Awstralia a'r Ffindir

Seicoleg: Yr Iseldiroedd ac UDA

Ieithyddiaeth: Sbaen a Denmarc

Ieithoedd Modern: Ffrainc, Yr Almaen, Yr Eidal, Sbaen

Addysg: Awstralia a'r Ffindir

"Mae gweithio mewn ysgol yn Awstralia wedi fy helpu i ddatblygu sgiliau fel rheoli amser, annibyniaeth, a dyfalbarhad. Mi wnes i wneud ffrindiau gydag aelodau eraill o staff oedd yn gweithio yn tŷ llety â mi yn yr ysgol ac rwy'n dal yn ffrindiau â nhw."

Danial Tomos Jones, o Gaernarfon, cyn-fyfyrwr Gwyddor Chwaraeon, lechyd ac Ymarfer



CEFNOGI EIN MYFYRWYR

Ym Mangor, rydym yn rhoi blaenoriaeth i ddarparu gofal a chefnogaeth i fyfyrwyr. O'r adeg pan gyrhaeddwch yma, cewch gymaint o gymorth a chefnogaeth ag y bo modd gyda materion iechyd a gofal yn ogystal â gwaith academiaidd.

"Cefais decst gan fy Arweinydd Cyfoed cyn cyrraedd y Brifysgol, ac roedd hynny o gymorth mawr."

Wythnos Groeso

Er mwyn eich helpu i ymgartrefu a chyfarfod pobl newydd, rydym yn trefnu Wythnos Groeso i fyfyrwyr newydd.

Bydd nifer o ddigwyddiadau adloniadol a chymdeithasol wedi eu trefnu i'ch cynorthwyo i gyfarfod â myfyrwyr eraill. Byddwch yn mynd i gyfarfod sy'n eich croesawu'n swyddogol i'r Brifysgol, bydd eich Ysgol academiaidd ac Undeb y Myfyrwyr yn trefnu gweithgareddau trwy'r wythnos a bydd Arweinwyr Cyfoed wrth law i'ch helpu i ymgartrefu.

Arweinwyr Cyfoed

Mae'r Cynllun Arweinwyr Cyfoed wedi derbyn cydnabyddiaeth cenedlaethol.

Mae ein holl Arweinwyr Cyfoed yn fyfyrwyr gan mai hwy yw'r bobl orau i'ch helpu i ymgartrefu. Wedi'r cwbl, does dim cymaint â hynny ers iddynt hwythau fod yn fyfyrwyr newydd.

Maent yno i helpu myfyrwyr newydd i setlo, i drefnu gweithgareddau cymdeithasol, ac i fynd â myfyrwyr newydd o gwmpas y campws a chynnig cyngor cyffredinol.

Unwaith y byddwch wedi ymgartrefu, efallai y byddwch chithau â'ch bryd ar ddod yn Arweinydd Cyfoed i groesawu myfyrwyr newydd i Fangor.

Sut gall Gwasanaethau Myfyrwyr eich helpu:

Cymorth Ymarferol

O chwilio am dŷ i reoli eich cyllideb, rydym yn rhoi cymorth a chynghor ar agweddau gwahanol o fywyd myfyriwr. Os bydd eich amgylchiadau yn newid a bydd angen i chi gymryd toriad yn eich astudiaethau, mae cynghor ar gael i'ch helpu wneud y dewisiadau sy'n iawn i chi.

Gwasanaeth Cynghori Myfyrwyr

Mae gennym weithdai arbenigol a chyfeillgar i gefnogi eich lles, a gwasanaeth cwnsela cyfrinachol ac am ddim – drwy apwyntiad neu alw heibio.

Cynghorwyr Iechyd Meddwl

Mae cynghorwyr iechyd meddwl yn cynorthwyo myfyrwyr i reoli eu hastudiaethau a gallant nodi ffynonellau cymorth a chefnogaeth.

Meddygfeydd Dyddiol

Meddygfeydd dyddiol penodol gyda phractis meddygon teulu.

Cyswllt Personol

Person cyswllt penodol i fyfyrwyr o ofal o fewn Gwasanaethau Myfyrwyr

Tîm y Gaplaniaeth

Mae Tîm y Gaplaniaeth ar gael i gefnogi holl aelodau'r Brifysgol, waeth beth yw eu daliadau crefyddol.



“Mae yma bob math o gymorth ar gael - o gymorth academiaidd i gymorth ariannol ac iechyd a lles.”

Am fwy o wybodaeth:

Gwasanaethau Myfyrwyr, Prifysgol Bangor,
Bangor, Gwynedd, LL57 2DF

Ff: 01248 382024

E: gwasanaethaumyfyrwyr@bangor.ac.uk

www.bangor.ac.uk/gwasanaethaumyfyrwyr

GWASANAETH ANABLEDD

Os ydych chi yn wynebu rhwystrau i astudio mewn Prifysgol, gallwn ddarparu cefnogaeth yn ystod eich cyfnod ym Mangor. Yn ogystal â'r Gwasanaethau Anabledd, mae'r Tiwtoriaid Anabledd yn hyrwyddo darpariaeth gynhwysol yn ein Hysgolion academiaidd.

Dywedwch wrthym am eich gofynion

Mae'n well cysylltu â ni yn gynnar fel ein bod yn gallu trafod eich gofynion – rydym yn cysylltu â phawb sy'n rhoi tic yn y bocs anabledd ar eu ffurflen UCAS. Nid oes rhaid disgwyl nes i chi gofrestru yma – os oes gennych gynnig i astudio yma Mangor gallwch gofrestru ar-lein gyda Gwasanaethau Anabledd cyn cofrestru i sicrhau bod cefnogaeth sydd ei angen arnoch wedi ei drefnu cyn cychwyn y cwrs lle bo'n bosib.

Cynllun Cefnogi Dysgu Penodol (CCDP)

Caiff Cynlluniau Cefnogi Dysgu eu llunio i nodi gofynion unigol, ac i sicrhau caiff trefniadau priodol eu gwneud, er enghraifft amser ychwanegol mewn arholiadau. Mae ein Ap CCDP yn sicrhau bod eich gwybodaeth yn cael ei rannu gyda'r bobl angenrheidiol yn unig er mwyn gwneud y trefniadau priodol ar eich cyfer.

Asesu gwahaniaethau dysgu penodol

Gall myfyrwyr nad ydynt wedi cael asesiad blaenorol am ddyslecsia, dyspracsia neu anawsterau sylwol gael asesiad sgrinio anffurfiol ac asesiad diagnostig llawn lle bo angen.

Canolfan Asesu Prifysgol Bangor

Mae Lwfansau Myfyrwyr Anabl (LMA) helpu i gwrdd ag unrhyw gostau cwrs ychwanegol o ganlyniad i anabledd. Gall y Ganolfan helpu myfyrwyr i wneud cais am LMA a gwneud asesiadau anghenion astudio.

Myfyrwyr gyda thrafferth symud

Os oes gennych drafferth symud, fe'ch cynghorir i ddod draw i'r Brifysgol – tra mae Bangor yn ddinas fechan, mae yma eltydd. Bydd yn bleser gan staff eich tywys o amgylch felly cysylltwch â ni i drafod eich gofynion.

Am fwy o wybodaeth:

Gwasanaethau Myfyrwyr, Prifysgol Bangor, Bangor, Gwynedd, LL57 2DF.

Ff: 01248 382024

E: guasanaethaumyfyrwyr@bangor.ac.uk

www.bangor.ac.uk/gwasanaethaumyfyrwyr



“Mae'r Brifysgol yn 100% gefnogol. Mae digonedd o wasanaethau sy'n cefnogi myfyrwyr yma.”



Cefnogaeth ychwanegol:

Cefnogaeth Bersonol

Gallwn ddarparu mentoriaid a chynorthwywyr ymarferol i hwyluso astudio a thasgau dyddiol. Mae yna hefyd diwtoriaid / mentoriaid arbenigol sy'n gallu helpu efo gwaith cwrs, a chyda rheoli amser a llwyth gwaith a straen. Mae hyn yn cynnwys cefnogaeth gyda mathemateg, ystadegau, a chefnogaeth cyfrwng Cymraeg.

Addasiadau Arholiadau

Cynorthwyo i drefnu yn ôl gofynion penodol ar gyfer arholiadau ac asesuadau.

Tiwtor Anabledd

Gweithio'n agos â'r Tiwtor Anabledd eich cwrs.

Offer Cefnogol

Trefnu benthyg offer e.e. recordydd digidol.

Ystafelloedd Cynorthwyl

Trefnu mynediad i Ystafelloedd Technoleg Gynorthwyl.

Lwfans Myfyriwr Anabl

Eich cynorthwyo i wneud cais am Lwfans Myfyriwr Anabl.

Asesu Gofynion Iechyd Meddwl

Mae ein tîm o Gynghorwyr Iechyd Meddwl yn asesu anghenion iechyd meddwl ac yn darparu gwybodaeth am faterion iechyd meddwl, a'r gwasanaethau a'r gefnogaeth posib fydd ar gael.

Dyslecsia, Dyspracsia, AD(H)D

Rhoi cyngor a chefnogaeth arbenigol i fyfyrwyr dyslecsig, dyspracsig ac AD(H)D.

CEFNOGAETH ASTUDIO

“Rydym yn ffodus iawn i fod mewn Prifysgol sy’n pwysleisio pwysigrwydd llais y myfyrwyr ac yn gwrando ar farn a phryderon myfyrwyr.”

Branwen Roberts, o Bontypridd, sy’n astudio Cymraeg



Cefnogaeth Astudio sy’n cynnwys:

- Tiwtor Personol i roi cyngor a chefnogaeth.
- Cefnogaeth ychwanegol gan y Ganolfan Sgiliau Astudio sy’n cynnwys help efo ysgrifennu academiaidd, adolygu, mathemateg ac ystadegau.
- Adnoddau sy’n cefnogi pynciau penodol gan gynnwys llong ymchwil yn yr Ysgol Gwyddorau Eigion, sganiwr MRI, Gerddi Botaneg ac amgueddfa Byd Natur.
- Gwella cefnogaeth astudio’n barhaus, gan gynnwys uwchraddio gwerth £1.5 o ofodau dysgu ar hyd y campws.
- Buddsoddiad ychwanegol yng ngwasanaeth y llyfrgell, gan gynnwys oriau agor 24/7 ar y prif safleoedd.

Tiwtor Personol

Pan ddewch yn fyfyrwr, cewch Diwtor Personol. Byddwch yn cyfarfod yn rheolaidd â’ch Tiwtor Personol trwy gydol eich cwrs, a bydd ef/hi yno i roi cyngor a chefnogaeth i chi ar faterion personol ac academiaidd.

Mae’r cyfarfodydd efo’ch Tiwtor Personol yn ffordd o gael adborth rheolaidd ar eich cynnydd academiaidd, i’ch helpu i fanteisio i’r eithaf ar eich cwrs ac i wireddu eich llawn botensial. Yn ogystal â’r cyfarfodydd rheolaidd yma, gallwch ofyn i gael gweld eich Tiwtor Personol ar unrhyw adeg arall i gael cyngor a chefnogaeth. Bydd eich Tiwtor yn gwneud y gorau i’ch helpu neu, os oes angen, i’ch cyfeirio at aelod arall o staff neu wasanaeth am gefnogaeth neu arweiniad.

Canolfan Sgiliau Astudio

Mae'r Ganolfan Sgiliau Astudio yn gallu helpu trwy ddarparu cefnogaeth gyda gwaith academaidd. Mae'r Ganolfan yn darparu ystod o gyfleoedd dysgu i unigolion a grwpiau.

Am ragor o wybodaeth, ewch i www.bangor.ac.uk/sgiliauastudio

Apwyntiadau sgiliau ysgrifennu a sgiliau astudio unigol

Gallwch drefnu apwyntiad unigol gydag Ymgynghorwyr Astudio i drafod anghenion unigol ac i ganolbwyntio ar waith ar gyfer eich aseiniadau.

Adnoddau Ar-lein

Mae ein gwefan yn cynnwys canllawiau astudio ar gyfer ysgrifennu, darllen ac ymchwilio, sgiliau cyfathrebu llafar, cyfeiriadau ar ffynonellau, a sgiliau arholiadau.

Mathemateg ac Ystadegau

Mae ein gwasanaeth mathemateg ac ystadegau yn darparu cymorth wedi ei deilwra ar gyfer pecynnau a chysyniadau ystadegol, a hefyd cymorth gyda rhifedd sylfaenol.

Gweithdai Sgiliau Academaidd

Gall y pynciau'n gynnwys: rheoli astudiaeth academaidd; dadansoddi gofynion tasgau; darllen yn feirniadol; defnyddio gwaith awduron eraill, datblygu eich ymchwil, a manteisio i'r eithaf ar arholiadau.



ADNODDAU DYSGU

Mae gennym gyfleusterau TG helaeth i chi eu defnyddio, pedair llyfrgell, cyfleusterau pwrpasol ym maes y Cyfryngau a Chanolfan Sgiliau Astudio. Mae staff yma i'ch helpu i gael y budd gorau o'n hadnoddau yn ystod eich cyfnod ym Mangor.

Gwasanaethau Technoleg Gwybodaeth

Mae gennym nifer o ystafelloedd/mannau cyfrifiadurol (rhai yn agored 24/7) ac mae mynediad di-wifr a socedi ar gyfer gliniaduron hefyd ar gael ar draws y campws. Mae gan bob ystafell wely yn neuaddau Prifysgol Bangor fynediad di-wifr i'r rhyngrwyd (mae gan rai gysylltiad gwifr hefyd). Mae'r cyflymder yn cyfateb i fandean domestig ffibr lleol.


Dysgu Ar-lein a Recordio Darlithoedd

Mae Blackboard, amgylchedd dysgu ar-lein y Brifysgol, ar gael i bob defnyddiwr ar y campws ac oddi ar y campws. Os yw darlithydd wedi dewis defnyddio'r system recordio darlithoedd Panopto, mae'r system yn recordio'r sain â'r hyn sy'n ymddangos ar y cyfrifiadur (e.e. sleidiau PowerPoint).

fyMangor

Mae *fyMangor* yn rhoi mynediad ar-lein at wybodaeth a gwasanaethau i'ch cefnogi yn y Brifysgol. Er enghraifft, trwy *fyMangor* gallwch:

- gofrestru gyda'r Brifysgol a gweld eich amserlen a chalendar personol
- weld y marciau a gawsoch a rhoi sylwadau ar fodiwlau rydych wedi'i astudio
- weld eich cyfrif ariannol gyda'r Brifysgol
- weld eich Cynllun Cefnogi Dysgu Personol (os oes gennych un).





Gwasanaeth Llyfrgell ac Archifau

- Mae ein pedair llyfrgell yn darparu amgylchedd astudio deniadol sy'n cynnwys gofodau dysgu distaw.
- Gellir mynd at y rhan fwyaf o adnoddau electronig 24/7.
- Ceir gwasanaeth wi-fi yn ein holl lyfrgelloedd, yn ogystal ag ystafelloedd cefnogi astudio, gydag offer technoleg gynorthwyol a boglynwyr Braille.
- Mae gan yr Archif a Chasgliadau Arbennig gasgliad pwysig o lawysgrifau, casgliadau archifol ac amrywiaeth o lyfrau a deunydd printiedig prin sy'n cael eu hystyried yn ddeunydd ymchwil a dysgu gwerthfawr yn fyd-eang.

Adnoddau arbenigol ar gyfer pynciau

Mae gennym ystod o adnoddau dysgu eraill sy'n cefnogi pynciau penodol. Mae rhain yn cynnwys:

- Canolfan Iaith amlgyfrwng
- Llong ymchwil sy'n rhoi profiad ymarferol o'r môr
- Acwaria môr traofannol, môr tymherus a dŵr croyw
- Amgueddfa Hanes Anianol
- Sganiwr MRI gwerth £1.5M
- Gerddi Botaneg o 45 acer ar lannau'r Fenai – sy'n gartref hefyd i'r wiwerod coch brodorol a chytref o grëyr glas
- Ffarm gyda rhaglen ymchwil mewn cnydau, coedamaeth, a'r gwyddorau amgylcheddol.



MYFYRWYR HÛN

Rydym yn croesawu ceisiadau gan fyfyrwyr hŷn a byddem yn gwneud ein gorau i'ch helpu a'ch cefnogi yn ystod eich amser yma.



Efallai eich bod yn ystyried astudio yma'n llawn-amser, neu os ydych yn byw'n lleol, efallai bod astudio'n rhan-amser yn apelio.

- Ymysg y gwasanaethau a fydd o ddiddordeb i chi fydd y Cynghorydd Myfyrwyr Hŷn yn yr adran Gwasanaethau Myfyrwyr, y cyngor a'r gefnogaeth sy'n cael ei gynnis gan yr Uned Cefnogaeth Ariannol, a'r gefnogaeth ym maes Sgiliau Astudio sy'n cael ei gynnis gan y Ganolfan Sgiliau Astudio (gwelwch dudalen 49).
- Yn yr Adran Gwasanaethau Myfyrwyr mae Cynghorydd Myfyrwyr Hŷn ar gael i gynnis cymorth gydag amrywiaeth o faterion.
- Mae gan Undeb y Myfyrwyr Seneddwr Myfyrwyr Hŷn i sicrhau bod anghenion myfyrwyr hŷn yn cael eu cynrychioli.
- Mae'r Ganolfan Sgiliau Astudio yn cynnis gweithdai ac adnoddau i gefnogi myfyrwyr yn ystod y broses o ddechrau yn y Brifysgol a symud ymlaen trwyddi.
- Gall yr Uned Cefnogaeth Ariannol roi cyngor a chefnogaeth i fyfyrwyr hŷn.

Rydym yn eich annog i gysylltu â'r Cynghorydd Myfyrwyr Hŷn am fwy o wybodaeth am yr help a'r gefnogaeth sydd ar gael i fyfyrwyr hŷn.

Gwasanaethau Myfyrwyr

Ff: 01248 383637

E: awasanaethaumyfyrwyr@bangor.ac.uk



Ariannu eich astudiaethau

Yn dibynnu ar eich amgylchiadau unigol, efallai byddwch yn gymwys i gael cefnogaeth ariannol ychwanegol. Er enghraifft, gall myfyrwyr sy'n rhieni ac sy'n gymwys am gymorth ychwanegol gael Grant Gofal Plant neu Lwfans Dysgu i Rieni, ac mae hefyd grantiau ar gael i rai sydd ag oedolion sy'n ddibynol arnynt.

Mae gennym hefyd Gronfa Caledi i gynorthwyo myfyrwyr sy'n profi caledi ariannol annisgwyl.

Uned Cefnogaeth Ariannol,

Gwasanaethau Myfyrwyr

Ff: 01248 383566/383637

E: cefnogaethariannol@bangor.ac.uk



CYLLD MYFYRWYR

Mae cyngor ar gael cyn i chi ymgeisio a thra rydych yn astudio yn y Brifysgol trwy Wasanaethau Myfyrwyr.

Mae'n werth cofio bod byw ym Mangor yn cymharu'n rhad o gymharu â chostau byw mewn nifer o ddinasoedd a threfi prifysgol eraill. Yn ôl arolwg gan *Totally Money*, Bangor yw'r lle mwyaf fforddiadwy i astudio yn y DU.

Ffioedd Dysgu

£9,000 y flwyddyn oedd y ffi ddysgu yn 2020/21 am gwrs israddedig, llawn-amser. Bydd y ffi yn cael lleihau am unrhyw semester o gwrs sy'n cael ei ddilyn dramor. Nid yw'r ffi ddysgu ar gyfer 2021/22 wedi ei phennu eto felly fe'ch cyngorwn i fynd i'n gwefan am y wybodaeth ddiweddaraf: www.bangor.ac.uk/cyllidmyfyrwyr

Nid oes raid i chi dalu unrhyw ffioedd dysgu tra ydych yn astudio (er y gallwch wneud hynny os dymunwch). I fyfyrwyr sy'n astudio eu cwrs Addysg Uwch cyntaf, caiff y taliad ei ohirio nes ar ôl i chi raddio trwy **Fenthyciad Ffi Ddysgu**. Byddwch yn dechrau ad-dalu eich benthyciad cyn gynted ag y byddwch yn dechrau ennill dros £25,725 y flwyddyn. Caiff y Benthyciad Ffi Ddysgu ei dalu'n uniongyrchol i'r Brifysgol i dalu'r ffioedd ar eich rhan.

Costau Cwrs Ychwanegol

Mae rhain yn amrywio o gostau sy'n berthnasol i fodiwl gorfodol neu graidd y bydd rhaid i chi ei gwblhau i gyflawni eich cymhwyster (e.e. teithiau maes gorfodol, gwisg i fyfyrwyr ar leoliad, gwiriad gan y Gwasanaeth Datgelu a Gwahardd); costau sy'n berthnasol i aelodaeth corff proffesiynol, costau teithio i leoliad gwaith, meddalwedd arbenigol, cyfarpar diogelwch personol, neu gostau dewisol fel digwyddiadau graddio ar gyfer eich cwrs, teithiau maes dewisol neu deithiau yn ystod yr Wythnos Groeso. Am fanylion costau ar gyfer cyrsiau penodol, gweler y disgrifiadau cwrs ar y wefan.



Talu eich Costau Byw

Yn 2020/21 mae gan fyfyrwyr cymwys o Gymru hawl i dderbyn Grant Dysgu Llywodraeth Cymru, sy'n grant i'ch helpu gyda chostau byw fel llety, bwyd, llyfrau, dillad a theithio. Yn 2020/21, bydd lleiafswm o £1,000 ar gael i fyfyrwyr cymwys sy'n byw yng Nghymru a gall myfyrwyr hefyd fod yn gymwys am grant ychwanegol, wedi asesiad incwm y cartref. Nid oes rhaid ei dalu'n ôl.

Mae gan fyfyrwyr Prifysgol hefyd hawl i dderbyn Benthyciad Cynhaliath (a gyfeirir ato weithiau fel benthyciad costau byw) i'ch helpu gyda chostau byw fel llety, bwyd, llyfrau, dillad a theithio. Mae'n rhaid i fenthyciad costau byw gael ei ad-dalu unwaith y byddwch wedi gorffen eich cwrs ac yn ennill mwy na £25,725. Fe'ch cynghorwn i fynd i'n gwefan am y wybodaeth ddiweddaraf: www.bangor.ac.uk/cyllidmyfyrwyr

Mae costau byw ym Mangor yn is yn gyffredinol nag mewn rhannau eraill o wledydd Prydain. Fodd bynnag, mae llawer o fyfyrwyr yn cael gwaith rhan-amser neu achlysurol yn ystod y gwyliau ac/neu adeg tymor i helpu gyda'u costau. Mae gennym ein swyddfa cyflogaeth myfyrwyr ein hunain a all eich helpu i gael hyd i rywbeth addas (gweler tudalen 36).



Crynodeb Cyllid i fyfyrwyr o Gymru

Mae'r holl ffigyrau isod ar gyfer 2020 – ewch i'r wefan am y diweddaraf: www.bangor.ac.uk/cyllidmyfyrwyr

Gall myfyrwyr o Gymru sy'n astudio am eu gradd gyntaf wneud cais am **Fenythciad Ffi Ddysgu** gwerth £9,000, y byddwch yn dechrau ei ad-dalu pan fyddwch yn ennill dros £25,725 y flwyddyn.

Bydd Grant Dysgu Llywodraeth Cymru gwerth lleiafswm o £1,000 ar gael i fyfyrwyr cymwys. Nid oes rhaid ei dalu'n ôl. Gall myfyrwyr hefyd fod yn gymwys am grant ychwanegol wedi asesiad incwm y cartref.

Mae gan fyfyrwyr hefyd hawl i dderbyn Benthyciad Cynhaliath i'ch helpu gyda chostau byw, y byddwch yn dechrau ei ad-dalu pan fyddwch yn ennill dros £25,725 y flwyddyn.

Gwybodaeth am Ffioedd a Benthycia

Oherwydd bod y prospectws yma'n cael ei baratoi gryn amser ymlaen llaw, rydym yn eich cynghori i geisio'r wybodaeth ddiweddaraf am ffioedd a benthyciadau. Cysylltwch ag:

Uned Cymorth Ariannol Gwasanaethau Myfyrwyr, Prifysgol Bangor, Bangor LL57 2DG
Ff: 01248 383566/383637
E: cymorthariannol@bangor.ac.uk

Cyllid Myfyrwyr Cymru
Ff: 0300 200 4050
www.cyllidmyfyrwyr.cymru.co.uk

BWRSARIAETHAU

Fel y byddech chi'n ei ddisgwyl mewn prifysgol sy'n rhoi cryn bwyslais ar gynorthwyo myfyrwyr, rydyn ni'n awyddus i gynnig help ychwanegol i fyfyrwyr newydd.



Bwrsariaethau Astudio Trwy'r Gymraeg

Fel rhan o ymdrech Llywodraeth Cymru i gynyddu nifer y myfyrwyr sy'n astudio trwy'r Gymraeg, mae Prifysgol Bangor yn cynnig bwrsariaethau i gynorthwyo'r rheini sy'n dewis astudio trwy gyfrwng y Gymraeg.

Mae'r cynllun bwrsariaethau yn golygu fod bwrsariaethau o £250 y flwyddyn ar gael i'r rhai sy'n dewis astudio mwy na 40 credyd y flwyddyn drwy gyfrwng y Gymraeg. Bydd mwy o wybodaeth ynglŷn â'r Bwrsariaethau ar gyfer 2021 ar gael ar wefan y Brifysgol pan fydd y manylion wedi eu cadarnhau.

Bwrsariaethau Cychwyn

Mae Bwrsariaethau Cychwyn o £1,000 ar gael i'r rhai sy'n dod i'r Brifysgol o ofal. Bwriad y bwrsariaethau cychwyn yw talu am y llyfrau, y cyfarpar, y teithio a'r cymhorthion astudio sy'n gysylltiedig â'r cwrs. Unwaith yn unig yn ystod y flwyddyn gyntaf y bydd y bwrsariaethau hyn yn cael eu talu. Nid oes rhaid eu talu'n ôl.

Bwrsariaethau i Adleoli Teuluoedd

Mae'r fwrsariaeth hon o hyd at £1,000 ar gael yn y flwyddyn academaidd gyntaf yn unig. Os ydych chi yn adleoli gyda'ch teulu i ddechrau eich astudiaethau ym Mhrifysgol Bangor a'ch bod yn fyfyrwr isradd o'r Deyrnas Unedig gydag incwm trethadwy o £25,000 neu lai, yna gallech fod â hawl i'r fwrsariaeth yma.

Bwrsariaethau i fyfyrwyr digartref

Os nad oedd gennych gartref sefydlog cyn i chi ddechrau gyda'ch astudiaethau ym Mhrifysgol Bangor, gallech wneud cais am y fwrsariaeth £500 hon i'ch helpu gyda'ch costau prifysgol cychwynnol. Mae'r fwrsariaeth hon ar gael yn y flwyddyn academaidd gyntaf yn unig.

Beth yw'r gwahaniaeth rhwng bwrsariaethau ac ysgoloriaethau?

Dyfernir bwrsariaethau yn ôl meini prawf penodol. Ar yr amod eich bod yn ateb y meini prawf ac wedi llenwi'r ffurflen briodol ar gyfer cynhaliaeth i fyfyrwyr, dylech dderbyn y fwrsariaeth berthnasol yn awtomataidd.

Teilyngdod yw maen prawf y rhan fwyaf o'r Ysgoloriaethau a gynigir gan y Brifysgol. Er enghraifft, gall y rhai sy'n rhagori yn arholiadau Ysgoloriaethau Mynediad y Brifysgol ennill Ysgoloriaethau Teilyngdod gwerth hyd at £3,000.



YSGOLORIAETHAU

Mae Bangor yn cynnig cynllun ysgoloriaeth hael, gyda myfyrwyr israddedig newydd yn derbyn rhyw £100,000 bob blwyddyn.

Ysgoloriaethau Mynediad ac Ysgoloriaethau Teilyngdod

Fel rhan o gynllun Ysgoloriaethau Mynediad Bangor, mae oddeutu 40 Ysgoloriaeth Deilyngdod o hyd at £3,000 yr un ar gael i'r rheiny sy'n rhagori yn arholiadau Ysgoloriaethau Mynediad blynyddol y Brifysgol. I gael eich ystyried ar gyfer yr Ysgoloriaethau Teilyngdod ac Ysgoloriaethau Mynediad eraill, mae'n rhaid i chi:

- lenwi ffurflen gais yr Ysgoloriaethau Mynediad (15 Ionawr 2021 yw'r dyddiad cau ar gyfer Ysgoloriaethau Mynediad 2021)
- sefyll arholiad yn eich dewis bwnc (bydd yr arholiad yn cael ei gynnal yn eich ysgol/coleg ar ddyddiad penodol ym mis Ionawr).

Mae Ysgoloriaethau Mynediad Bangor hefyd yn cynnwys nifer o ysgoloriaethau cronfeydd ymddiriedolaeth, sawl ysgoloriaeth mae'r awdurdodau lleol yng Nghymru'n eu dyfarnu, ac ysgoloriaethau pwnc fel Ysgoloriaethau y Gyfraith, Ysgoloriaeth Addysg, Ysgoloriaethau Peirianeg Electronig, Ysgoloriaethiau Cyfrifiadureg.

Ysgoloriaethau Academiaidd

Mae rhai o'r adrannau academiaidd yn cynnig eu hysgoloriaethau eu hunain, e.e.: Cerddoriaeth, Ieithyddiaeth ac Iaith Saesneg, Cyfrifiadureg a Pheirianeg Electronig.



Ysgoloriaeth Chwaraeon

Rydyn yn cynnig Ysgoloriaethau Chwaraeon gwerth hyd at £3,000 y flwyddyn, mewn cynllun sy'n ceisio adnabod potensial a datblygu rhagoriaeth ym maes chwaraeon. Ni fydd rhain wedi eu cyfyngu i unrhyw agwedd arbennig ar chwaraeon nag i fyfyrwr ar unrhyw gwrs penodol. Fodd bynnag, fel rheol, bydd blaenoriaeth yn cael ei roi i unigolion fydd yn gallu cynrychioli Prifysgol Bangor yng nghystadlaethau Chwaraeon Prifysgolion a Cholegau Prydain (BUCS).

Am fwy o wybodaeth neu i wneud cais, ewch i:
www.bangor.ac.uk/ysgoloriaethchwaraeon

Ysgoloriaethau'r Coleg Cymraeg Cenedlaethol

Prif Ysgoloriaethau'r Coleg

Dyma ysgoloriaethau gwerth £1,000 y flwyddyn (£3,000 dros dair blynedd) ar gyfer cyrsiau gradd lle bydd myfyrwyr yn dilyn 240 credyd neu fwy trwy gyfrwng y Gymraeg. I ymgeisio, mae gofyn i chi sefyll ein arholiad Ysgoloriaethau Mynediad (manylion ar dudalen 58).

Ysgoloriaethau Cymhelliant

Yn seileidig ar ffigyrau 2020, mae Ysgoloriaethau Cymhelliant y Coleg Cymraeg Cenedlaethol, gwerth £500 y flwyddyn (£1,500 dros dair blynedd) ar gael ar gyfer cyrsiau gradd lle bydd myfyrwyr yn astudio o leiaf 40 credyd trwy gyfrwng y Gymraeg.

Am y manylion mwyaf diweddar ewch i'r wefan:
www.colegcymraeg.ac.uk



Am fwy o wybodaeth

Marchnata, Rectiwrtio a Chyfathrebu

Ff: 01248 383561/382005

E: marchnata@bangor.ac.uk

www.bangor.ac.uk/bwrsariaethau

GWNEUD CAIS I ASTUDIO YM MANGOR

Gofynion Mynediad

Yr ydym wedi ymrwymo i ehangu cyfle i fynd i Addysg Uwch a byddwn yn derbyn myfyrwyr gydag ystod eang o gymwysterau a chefnidiroedd. Byddwn yn ystyried pob cais yn ôl ei deilyngdod ei hun – gan asesu eich potensial i lwyddo ar y cwrs ac elwa ohono. Bydd angen i chi feddu ar safon dda o lythrennedd a rhifedd. Yr ydym hefyd yn rhoi gwerth ar sgiliau TG a chyfathrebu da. Efallai bydd y Brifysgol yn gallu ymateb yn hyblyg i'ch cais os na fydd eich canlyniadau yn cyfateb yn union i delerau eich cynnig gwreiddiol.



Isafswm Gofynion

Os ydych yn gwneud cais am gwrs gradd, yna dylai cyfanswm y pwyntiau gynnwys o leiaf dau GCE lefel A neu gymwysterau cyfatebol. Ar gyfer rhaglenni tystysgrif a diploma, fel rheol bydd arnoch angen o leiaf un lefel A neu gyfatebol neu ddau lefel AS neu lwyddiannau cyfatebol. Bydd gofynion mynediad manylach yn cael eu rhoi ar dudalen y cwrs unigol.

Am eglurhad llawn o system tariff UCAS, ewch i:
www.ucas.com/ucas/undergraduate/getting-started/entry-requirements/ucas-undergraduate-tariff-points

Cysiau Mynediad a derbyn yn hŷn

Byddwn yn croesawu eich cais os ydych yn dilyn cwrs Mynediad a ddilyswyd. Yr ydym hefyd yn croesawu ceisiadau gan fyfyrwyr hŷn fedr ddangos y symbyliad a'r ymrwymiad i astudio rhaglen brifysgol.

Bagloriaeth Ryngwladol

Fel rheol, dylech fod wedi cael y diploma llawn a gall cynigion amrywio yn ôl y cwrs yr ydych yn gwneud cais amdano.



Pryd i wneud cais

Rydym yn eich cyngori i wneud cais cyn gynted ag y gellwch gan y byddwn yn dechrau ystyried ceisiadau a gwneud cynigion yn syth. Ar gyfer mynediad i'r Brifysgol yn 2021 dylai myfyrwyr wneud cais rhwng 1 Medi 2020 a 15 Ionawr 2021.

Ceisiadau Hwyr

Bydd ceisiadau ar ôl y dyddiadau uchod yn dal i gael eu hystyried gan fod rhai lleoedd yn aml yn dal ar gael.



Sut i wneud cais

Yn achos pob cwrs addysg uwch llawn-amser dylech wneud cais ar-lein lle mae cyfarwyddiadau llawn a hawdd eu dilyn ar lenwi eich cais: **www.ucas.com** (Ff: 0371 468 0468). Wrth gwblhau eich cais, dylech roi cod UCAS Prifysgol Bangor Bangr **B06** ynghyd â chod y cwrs a ffurf fer teitl y cwrs (e.e. N400 BA/AF Cyfrifeg a Chyllid). Nodir y codau a'r talfyriadau ar dudalennau perthnasol y prospectws hwn ac ar wefan UCAS.

Sicrhewch fod yr holl wybodaeth a roddwch i gefnogi eich cais yn gywir ac yn gyflawn. Bydd cynigion fel rheol yn cael eu seilio ar y wybodaeth yma a gall unrhyw fanylion anghywir neu esgeulustra annilysu'r cynnig.

Am ragor o wybodaeth cysylltwch â'r Swyddfa Dderbyniadau, Prifysgol Bangor, Bangor, Gwynedd LL57 2TF.

Ff: 01248 383717

E: derbyniadau@bangor.ac.uk

Beth sy'n digwydd ar ôl gwneud cais?

Ar ôl i ni dderbyn eich cais gan UCAS, mae ein Swyddfa Derbyniadau'n gweithio'n agos â'r Ysgol academiaidd berthnasol i ystyried a allwn wneud cynnig i chi; gall hwn fod yn amodol ar i chi gael graddau penodol yn yr arholiadau y byddwch yn eu sefyll. Yna bydd y Swyddfa Derbyniadau'n anfon manylion am y cynnig at UCAS a fydd yn rhoi gwybod i chi'n swyddogol am ein penderfyniad.

Ar ôl i chi gael cynnig lle, bydd yr Ysgol academiaidd yn cysylltu â chi fel rheol gyda gwybodaeth bellach a'ch gwahodd i ymweld ag un o Ddiwrnodiau Ymweld i Ymgeiswyr UCAS a gynhelir rhwng Ionawr ac Ebrill. Mae'r rhain yn rhoi cyfle i chi gyfarfod â staff dysgu, cael taith o amgylch Bangor a'r ardal gyfagos, a gweld y gwahanol gyfleusterau.

Myfyrwyr Anabl

Rydym yn annog ceisiadau gan fyfyrwyr anabl, gan gynnwys rhai â chyflyrau iechyd hir-dymor, anawsterau iechyd meddwl a gwahaniaethau dysgu, megis dyslecsia neu ddyspraxia. Rydym yn anelu at ddarparu cyfle cyfartal i bob myfyriwr. Os ydych yn anabl, neu gydag anghenion ychwanegol, rydym yn eich annog i roi gwybod i ni cyn gynted â phosibl fel y gallwn wneud trefniadau priodol lle bo'r angen. Gall hyn gynnwys anghenion o ran llety, mynediad i adeiladau, gweithwyr cefnogi, neu addasiadau i addysgu ac asesu.

Cysylltwch â'r Gwasanaethau Anabledd cyn gynted â phosibl i gael gwybod mwy ynglŷn â pha addasiadau fydd eu hangen efallai tra byddwch yma ym Mangor.

Os rydych yn derbyn gwahoddiad i Ddiwrnod Agored, yna mae croeso i chi gysylltu ag un o'r Cyngorwyr os oes gennych ofynion penodol neu os hoffech gyfarfod i drafod unrhyw gwestiynau sydd gennych.

Gwasanaethau Anabledd

Ff: 01248 383620/382032

E: gwasanaethanabledd@bangor.ac.uk

www.bangor.ac.uk/gwasanaethaumyfyrwyr/
anabledd





PRIFYSGOL
BANGOR
UNIVERSITY

bangor.ac.uk